

Species nova generis *Harpactor*.

Descripta ab O. M. Reuter, Helsingforsiensis.

Harpactor lineaticornis Sign. in litt.

Niger, nitidus, superne omnium brevissime flavicanti-pubescentis; capite lineis tribus longitudinalibus, media inter oculos bifurcata, margine superiore articuli primi antennarum, femorum et tiliarum, margine antico et cicatriculis omnibus esculptis lobi antici limboque laterali lobi postici pronoti, vitta media scutelli, nec non maculis marginalibus abdominis albedo-testaceis; hemielytris fuscis; pronoto lobo postico antico vix longiore. — Long. ♂ 8³/₄ mm.

Patria: Tanger (collectio Signoret).

Species signatura insigni antennarum et pedum, pronoti lobo antico postico vix brevior, profunde sculpturato, sculpturis pallidis mox distingvendis, subgeneri *Oncauchenius* Stål proxima. Caput pronoto paullulum brevius, parte anteculari postoculari aequae longa, hac illae aequae alta, lateribus subparallelis, basi subito constricta; nigrum, nitidum, parte antica guttulis obsolete testaceis, parte interoculari linea media longitudinali antice furcata et orbitis oculorum interioribus in vittam utrinque lateralem partis postocularis postice abbreviatam prolongatis, parte postica vitta etiam media albedo-testaceis. Rostrum nigrum, articulo primo secundo brevior, setulis nonnullis basalibus instructo. Antennae fuscae, articulo primo parti capitis postoculari oculoque a latere viso aequae longo, margine superiore albedo-testaceo, secundo primo circiter $\frac{1}{4}$ brevior et tertio longior. Pronotum lobo antico postico fere aequae longo, angulis anticis in denticulum brevem extrorsum prominentibus, disco cicatriculis profunde sculpturatis albo-testaceis; lobo postico angulis lateralibus obtusissime rotundatis, posticis obtuse rotundatis, haud lobato-productis, disco obsolete transversim strigoso, nigro, lateribus fusco-testaceis. Scutellum carina longitudinali albo-testacea. Hemielytra (♂) abdomen paullulum superantia, fusca, nitida. Pectus nigrum. Abdomen nigrum, connexivi segmentis macula quadrangulari apicali albedo-testacea notatis, spiraculis ab apice ac basi fere aequae longe distantibus. Costae nigrae. Pedes nigri, albidopilosuli, margine superiore femorum et tiliarum albedo-testaceo, tarsis nigro-fuscis.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Zeitung](#)

Jahr/Year: 1895

Band/Volume: [14](#)

Autor(en)/Author(s): Reuter Odo Morannal

Artikel/Article: [Species nova generis Harpactor. 116](#)